

PREDGOVOR PRVOM IZDANJU

Zakon o privrednim društvima (Zakon) u Federaciji Bosne i Hercegovine po svom nazivu, sadržaju i kvalitetu je privredno-pravni propis koji otvara, prvi put, široku mogućnost i normativne pretpostavke slobodnog tržišnog poslovanja i preduzetništva privrednih subjekata čija su sredstva u privatnom vlasništvu.

Zakon je objavljen u "Službenim novinama FBiH", broj 23 od 21. juna 1999. godine. Stupio je na snagu 29. juna, a primjenjuje se od 29. avgusta 1999. godine.

Prethodni Zakon o preduzećima ("Službene novine FBiH", br. 2/95 i 8/96) primjenjivao se od 1995. godine u tržišnim uslovima u kojima nisu postojali i razrađeni ostali mehanizmi tržišta kapitala i rada u privatnom vlasništvu. Zbog toga neki oblici preduzeća, propisani tim zakonom nisu se dovoljno razvili u našoj privrednoj praksi. To se najviše odnosi na dionička preduzeća koja su deklarativno normirana.

U Zakonu o privrednim društvima dionička društva su detaljno normirana i prilagodena tržišnim uslovima i uslovima masovne privatizacije čiji je proces kod nas tek otpočeo. Inovirani su i drugi oblici organizovanja društava i njihovi instituti.

Ova knjiga sadrži komentar Zakona, primjere ugovora i Zakon. Cilj je da se nova regulativa na jednom mjestu, objasni i prilagodi neposrednoj primjeni u praksi. U knjizi drugoj izdaće se prateći propisi ovog zakona.

Sarajevo, jula 1999. godine

*Ljubo Todorović
Mensur Hadžimusić*